



一
順治二年四月
(採港三〇一五六)



欽差巡撫山東等處地方督理營田提督軍務都察院右僉都御史方大猷 為

察明具


奏事據山東按察司呈稱蒙兩院案驗准刑部
咨禮科韓源題為指名叅奏事奉

聖旨大盜曹化標等賄脫事情着該撫按確查具
奏刑部知道欽此又該原任真定府同知張安

豫奏為剖明隨撫緣由仰祈

聖鑒事奉

聖旨張安豫宜赴撫按聽質刑部知道欽此欽遵



抄部移院併行到司行間據禹城齊河兩學
生員路明通馬出圖等呈為功罪顛倒合詞
代辯以彰公道事又據禹城齊河兩縣鄉民

劉守棟李芳春等保狀為公道難誣民心共
憤合詞共白事又據宋安辯狀為乞天電察
無辜事又據曹化標投狀為投見辯明事該
本司僉事官按察使事胡之彬查得宋安曹
化標未嘗用賄是確呈詳到職該職會同按
臣李之奇看得張安豫曾任齊禹兩邑才績
赫然士民多愛戴之曹化標宋安皆係前朝
撫過之賊目也部臣王鰲永知其能定此一

方特着安豫以單騎往化標等羅拜馬前棄
甲拋戈改務農業至今並無再犯士民公呈
可證科臣忽以賄脫兩字為一網打盡之計
職不知其何據也若使官府受賄賂駭賊必

不肯收心今隨喚隨到反復辯問絕無影響
即張一林現監鄒平據知縣周邦翰申稱出
力擒賊買朱養囚凡五月有餘亦不敢言功
然賊不出監門一步而証人以賄脫之名說
謊極矣總之職等為地方任勞任怨又稟性
孤耿不肯依傍門戶到底陷之於死而後已
素聞科臣亦忠厚長者

朝廷寵之以言路乃一旦昧其本心顛倒黑白豈
公而忘私之誼乎無論張安豫畏其亮鋒不
敢求官即職亦苦於構鬪其心求罷除全詳


另送刑部外事干回

奏字稍溢格伏乞

皇上垂鑒施行為此除具

題外理合具揭頂至揭帖者

順治貳年肆月



日

